



Broj/Број: 4/1-50-1-149-4/04
Sarajevo/Сарајево: 30.3.2004.

ZAPISNIK

Četvrte sjednice Zajedničke komisije Parlamentarne skupštine BiH za obrambenu i sigurnosnu politiku i nadzor nad radom obrambenih i sigurnosnih struktura na razini BiH.

Sjednica je održana 30.3. 2004., u vremenu od 11.00 do 15.00 sati.

Sjednici su nazočili članovi Zajedničke komisije: Zoran Spasojević, Seada Palavrić, Šefik Džaferović, Adem Huskić, Momčilo Novaković, Vinko Zorić, Osman Brka, Halid Genjac, Boško Šiljegović, Branko Zrno, Anto Spajić i Mirko Blagojević.

Sjednici su nazočili gosti: Nikola Radovanović, ministar obrane BiH sa zamjenicima Marinom Pendeš i mr.Enesom Bećirbašićem, kao i predstavnici OHR-a i OSCE-a, John Drewienkiewicz, vojni savjetnik Visokog predstavnika za BiH, Hans Odental, Anitra Jankevica, Cristian Haupt, Dario Šikuljak, Elvedina Vražalica, Malik Tanović. Iz Parlamenta FBiH prisustvovali su eksperti za pomoć u radu komisija za obranu Enes Zukanović i Neven Kazazović.

Pored navedenih, sjednici je nazočila i Dragica Hinić, privremeni tajnik Komisije.

Sjednicom je predsjedavao Zoran Spasojević.

Za raspravu na sjednici predložen je sljedeći

DNEVNI RED:

1. Predstavljanje ministra i zamjenika ministra obrane BiH
(ministar i zamjenici ministra odbrane BiH);
2. Informiranje o stanju u oblasti reforme obrane u BiH
(Izvjestitelji: ministar obrane BiH i general John Drewienkiewicz-OSCE);
3. Informacija o učešću BiH u Mirovnoj misiji u Iraku
(Izvjestitelji: predstavnik Predsjedništva BiH, ministar obrane BiH);
4. Informacija o projektu upošljavanja eksperta za rad u Zajedničkoj komisiji
(Izvjestitelj: predstavnik OSCE-a) i
5. Razno:
a) Konačna redakcija teksta Zakona o obavještajno-sigurnosnoj agenciji BiH.

Članovi Komisije jednoglasno su usvojili dnevni red.

Ad.1. Predstavljanje ministra i zamjenika ministra obrane BiH

Predsjedatelj Zajedničke komisije zahvalio se ministru obrane i njegovim zamjenicima na nazočnosti, izražavajući nadu da je to pokazatelj buduće međusobne dobre suradnje. Potom je dao riječ imenovanim.

Nikola Radovanović, ministar obrane BiH, izražavajući zadovoljstvo pozivom za ovu sjednicu, zahvalio se nazočnima i istaknuo da je Komisiji dostavljen materijal koji između ostalog sadrži

njegovu kao i biografije zamjenika. Stoga je mišljenja da ne treba posebno informirati o tome, uz naglašavanje da su svo troje prošli odgovarajuće provjere, kao i provjeru izvršenu kod OHR-a tako da imaju potreban kredibilitet za rad.

Enes Bećirbašić je istaknuo činjenicu da je sa ministrom obrane ostvario dobru suradnju i u prethodnom periodu, obzirom da su radili u Komisiji za reformu obrane, Komisiji za izgradnju mjera povjerenja, kao i Komisiji za subregionalnu kontrolu naoružanja. Dalje je informirao o tri osnovne uloge oružanih snaga i to ulozi zaštite suvereniteta i integriteta BiH, ulozi pomoći civilnim strukturama u slučaju nesreća, te ulozi vezanoj za učešće oružanih snaga u međunarodnim misijama mira.

Marina Pendeš, zamjenik ministra obrane, također se zahvalila na pozivu i ukratko predstavila. Nakon njihovog predstavljanja članovi Komisije su također zahvalili imenovanim na njihovom odazivu i nazočnosti ovoj sjednici, te postavljali određena pitanja .

Šefik Džaferović je naglasio ulogu Zajedničke komisije kao novog radnog tijela Parlamenta, koje je formirano na demokratskim standardima, sa ciljem uspostave demokratske kontrole u oblasti obrane. Istaknuo je potrebu za intenzivnijom i čvršćom suradnjom Komisije sa Ministarstvom obrane, naročito u narednim mjesecima, do održavanja samita NATO-a u Istanbulu.

Zoran Spasojević postavio je pitanje o podjeli nadležnosti između ministra i njegovih zamjenika, na koje je **Nikola Radovanović** dao odgovor. On je naglasio da je postojećim Zakonom o obrani BiH utvrđena njihova nadležnost, što obuhvata veliku grupu poslova. Pri tome ističe temeljne grupe poslova i to poslove politike i planova, te poslove vezane za pitanje resursa. Svaki zamjenik je nadležan za jednu grupu tih poslova, ali primjenjujući i drugi zakon u Ministarstvu, i to Zakon o upravi, gdje nema posebnog razgraničenja nadležnosti, nastoje se pomiriti ta dva zakona, tako da ministar i zamjenici učestvuju zajednički u donošenju odluka. Ne postoji također, prvi i drugi zamjenik, tako da oni imaju isti status.

Boško Šiljegović, Halid Genjac, Osman Brka i Mirko Blagojević istaknuli su sve prethodne probleme koji su se pojavljivali u reformi oblasti obrane, izražavajući zadovoljstvo sadašnjim stadijem postignutog, s nadom da će se ubuduće raditi više u interesu svih građana BiH.

Adem Huskić postavio je pitanje ministru obrane o njegovom osobnom viđenju oružanih snaga i cijele oblasti obrane po okončanju mandata, na što je ministar dao odgovor u okviru druge točke dnevnoga reda .

Momčilo Novaković, iako je suglasan sa mišljenjima prethodnika, postavio je kao preliminarno pitanje ispunjavanja zakonskih uvjeta za imenovanje g-dina Bećirbašića. Naglašavajući svoju dilemu koju je imao i prilikom zasjedanja Doma kada se raspravljalo ovo pitanje, naveo je da još uvijek nije dobio zvaničnu dokumentovanu informaciju o tom pitanju koje je postavljeno predsjedavajućem Vijeća ministara BiH, g-dinu Adnanu Terziću. Obzirom da on ima drugačije podatke o postojanju uvjeta od onih koje je izložio g-din Terzić, mišljenja je da je ovo pitanje ostalo nerazjašnjeno, te da je često tema raznih medijskih špekulacija. Stoga je predložio da se do naredne sjednice Komisije, dobije zvanična informacija i validan dokument kojim se to dokazuje, da g-din Bećirbašić ispunjava uvjet za imenovanje, koji se odnosi na rad u civilnim strukturama u trajanju od tri godine prije imenovanja, što su članovi Komisije potom prihvatili.

Ad.2. Informiranje o stanju u oblasti reforme obrane u BiH

U ulozi izvjestitelja o ovoj točki dnevnoga reda našli su se ministar obrane, te g-da Hans Odental i general John Drewienkiewich.

Nikola Radovanović je prvo odgovorio na prethodno pitanje Adema Huskića o njegovom viđenju rezultata rada na koncu mandata. Istaknuo je da on sebe smatra menadžerom koji radi u okviru zakona, u datom skraćenom mandatu od nešto više od dvije godine. Mišljenja je da pravo na vizije rezultata imaju politički lideri, a da se menadžeri moraju postarati da obave posao na najbolji mogući način. Osobno misli da bi u periodu ovog mandata bio zadovoljan završetkom procesa uspostave potrebnih struktura obrane na razini BiH, uz punu racionalnost, te potrebnu opremljenost i zadovoljavajućim standardom života pripadnika oružanih snaga. Bilo bi dobro također, da oblast

obrane ne bude medijska meta nakon isteka mandata, da BiH uđe u «Partnerstvo za mir», te da bude bolje predstavljena u Briselu.

Nakon ovog odgovora, izložio je trenutno stanje u oblasti reforme obrane, navodeći da je članovima Komisije dostavljeno Izvješće o stanju provođenja reformi u oblasti obrane, koje će biti uručeno i tajniku NATO-a. Iz Izvješća se trebaju uočiti koraci u napretku reforme, a radi dobijanja pozitivnog mišljenja prije samita u Istanbulu. Ovo Izvješće sadrži nekoliko oblasti. Prva oblast odnosi se na obaveze vezane za zakonodavstvo, gdje su načinjeni najveći pomaci. Država BiH je tu ispunila svoje obveze, dok entiteti djelomično kasne u ispunjavanju svoje obveze.

Druga oblast vezana je za kadrovsko popunjavanje Ministarstva obrane BiH, gdje su imenovani ministar i zamjenici ministra, a u toku je proces predlaganja čelnih osoba u Glavnom štabu, Operativnoj komandi i Ministarstvu obrane, a potom će uslijediti i popunjavanje ostalim ljudstvom. Neophodan korak u tom pravcu je i donošenje Pravilnika o unutarnjem ustroju Ministarstva obrane, gdje je postupak u toku. Prioritet je popunjavanje ovih institucija ljudstvom u procentu od 65%. U okviru ovih institucija dio osoba bit će isključivo administrativni radnici koji će se primati po natječaju, određeni broj osoba koji su državni službenici primat će se također putem natječaja preko Agencije za državnu službu, dok će jedan broj osoba biti primljeno na temelju transfera iz entiteta. Sve ove osobe moraju ispunjavati određene uvjete.

Slijedeća značajna oblast obrađena Izvješćem je oblast prestrukturiranja oružanih snaga, kako bi se stvorile funkcionalne oružane snage, skladne sa NATO standardima. To će sigurno dovesti do smanjenja ljudstva u oružanim snagama.

Dalje je naglasio potrebu uspostavljanja kvalitetnih odnosa Ministarstva obrane sa ostalim institucijama, a jedan od početnih dokaza dobre suradnje je i sama sjednica ove Komisije.

Potom je dao kratak osvrt na Odluku Predsjedništva BiH o strukturi i veličini oružanih snaga BiH. Najznačije u toj odluci je smanjenje broja rezervnog sastava tzv. «ratnih vojski», sa 240.000 na 50.000, uz obvezu Ministarstva obrane BiH i entitetskih ministarstva da se taj zadatak okonča do 30.5.2004.

U odnosu na Prijedlog proračuna, istaknuo je da predviđeni iznos od 4.900.000 KM, sa kojim oni već mogu raspolagati, neće biti najvjerojatnije dovoljan i da će se pojaviti potreba za rebalansom. Na kraju je informirao o predstojećem sastanku ministara obrane zemalja Jugoistočne Evrope u Sarajevu, što će također doprinijeti ugledu BiH u procesu priključenja «Partnerstvu za mir».

Hans Odental istaknuo je istorijski značaj sjednice Komisije u ovom sastavu, uz nadu da će se ubuduće ići ubrzanim koracima u demokratizaciji i priključenju pomenutim asocijacijama.

John Drewienkiewicz je obrazložio dokument «Koraci ka partnerstvu za mir», gdje je stadij napretka u zadatim reformama osjenčen određenim bojama. Naglasio je da je dokument sačinjen u siječnju ove godine, ali da se od tada nije ništa značajno promijenilo, jer postoje mnogi elementi koji mogu usporiti proces reforme. Potrebni zakoni usvojeni su, osim četiri zakona koji se nalaze u parlamentarnoj proceduri. On je ponovio korake koji se na ovom putu dalje moraju učiniti. Treba kadrovski popuniti institucije obrane, sačiniti pravilnike o unutarnjem ustroju i sistematizaciji, pružiti pomoć u obuci novog osoblja. Osvrnuo se i na Odluku Predsjedništva BiH o strukturi i veličini oružanih snaga koja predviđa znatno smanjenje rezervnog sastava sa 240.000 na 50.000. Ovo smanjenje dovesti će do potrebe za smanjenjem i uništenjem dijela postojećeg naoružanja i municije, pri čemu je naglasio zainteresiranost međunarodne zajednice za pomoć u toj sferi. I aktuelni proces smanjenja profesionalnih vojnih osoba odvija se u teškoj ekonomskoj situaciji, uz zainteresiranost IOM-a za pomoć u toj oblasti. Planirani Proračun nije predvidio financiranje učešća vojnika BiH u mirovnim misijama u svijetu odn. Iraku, tako da će se potrebna sredstva u visini od oko 1.000.000 KM morati osigurati na drugi način.

Po okončanju njihovog izlaganja članovi Komisije postavljali su pitanja na koje su odgovarali Nikola Radovanović, Enes Bećirbašić i John Drewienkiewicz.

Zoran Spasojević bio je zainteresiran za pitanje kada će biti predloženi kandidati za generalske pozicije, uz prijedlog da se biografije tih osoba dostave članovima Komisije. Dalje je pitao o stvarnom stanju potreba Ministarstva obrane, i da li će te potrebe biti iskazane prije rasprave o Proračunu u Parlamentarnoj skupštini BiH. Slijedeće pitanje odnosilo se na upućivanje deminera u

Irak , odnosno, ko je preuzeo obavezu slanja jedinice i ko je procijenio iznos potrebnih sredstava za to. O ovom pitanju razgovaralo se u okviru 3. točke dnevnoga reda.

Nikola Radovanović je istaknuo da je Predsjedništvo svojom odlukom od 24.3.2004. usvojilo strukturu generalskih pozicija, tako da će u Komandi i Štabu biti 12 generala , a u Ministarstvu obrane jedan general. Pri tome je utvrđena i nacionalna zastupljenost, tako da će biti 5 Bošnjaka, 4 Srbina i 4 Hrvata. Zaključeno je da se na generalske pozicije ne raspoređuju dosadašnji generali. Predsjedništvo je preuzelo obvezu da obavi prethodne razgovore sa kandidatima za generalske pozicije, a nakon toga obaviti će se konzultacije u Ministarstvu obrane, zatim procedura provjere kod SFOR-a i Haškog suda. Nakon tih provjera, prijedlog kandidata bi bio upućen ovoj Komisiji i Parlamentarnoj skupštini BiH na odobrenje. Cijeli proces bi mogao trajati oko tri sedmice. U odnosu na Proračun, ponovio je da su predviđena sredstva već raspoloživa, a da se nada da bi na vrijeme trebali dostaviti podatke i za druga potrebna sredstva.

Halid Genjac pitao je kada će Ministarstvo obrane biti popunjeno sa traženih 65% ljudstva. Drugo pitanje odnosilo se na obvezu suradnje sa Sudom u Hagu i kako će biti tretirana BiH po tom pitanju na samitu u Istanbulu.

Nikola Radovanović mišljenja je da neće biti problema oko popunjenosti ljudstvom na vrijeme. Ukupno 105 lica koja trebaju odmah biti angažirana , bit će primljena na zakonom utvrđeni način.

John Drewienkiewicz osvrnuo se na položaj BiH u kontekstu suradnje sa Sudom u Hagu.

Mišljenja je da je suradnja sa Sudom u Hagu neophodna, iako to pitanje nije uneseno u zvaničan dokument kao uvjet, i svaka država koja podnese zahtjev za priključenje «Partnerstvu za mir» može biti različito tretirana u tom pogledu. To je prije svega politička odluka. Mišljenja je da je BiH načila dosta pozitivnih koraka u zadnje vrijeme i optimista je u tom pogledu.

Osman Brka istaknuo je značaj namjenske industrije u BiH koja je upošljavala veliki broj radnika. Pitao je potom da li se može nešto učiniti u pogledu forsiranja te industrije, kako bi se uposlilo određeni broj ljudi.

Seada Palavrić je pitala da li je moguće proizvesti u generale sa više zvjezdica osobe koje su prethodno imale niži čin.

Nikola Radovanović je u pogledu uloge namjenske industrije istaknuo da postoji interes određenih zemalja za tu proizvodnju, ali da je temeljni uvjet za to privatizacija, tako da ta preduzeća ne budu pod okriljem Ministarstva obrane. Drugi potreban uvjet za razvoj ove industrije je suradnja sa kvalitetnim partnerima iz solidnih zemalja.

U odnosu na pitanje proizvodnje generala sa više zvjezdica na ubrzan način, istaknuo je da ne postoje zakonska ograničenja. Pri tome je naglasio da nakon završetka funkcije na navedenim pozicijama, te osobe ne zadržavaju privilegije i mogu biti raspoređena na niže rangirane pozicije.

John Drewienkiewicz je mišljenja da je tehnologija u vojnoj idustriji BiH jako zastarila i da je većina zemalja trenutno zainteresirana za tzv. «inteligentno naoružanje». BiH ima proizvodnju lovačkog naoružanja za što postoji zainteresiranost kupaca.

Nakon njegovog izlaganja okončana je ova točka dnevnoga reda i načinjena pauza od 15 minuta. Nastavku sjednice nije nazočio Boško Šiljegović, iz opravdanih razloga.

Ad.3. Informacija o učešću BiH u Mirovnoj misiji u Iraku

Nikola Radovanović je informirao učešću deminerske jedinice BiH u mirovnoj misiji u Iraku. Naveo je da je 13.1.2004. predsjednik SAD-a uputio pismo Predsjedništvu BiH kojim poziva BiH na učešće u mirovnoj misiji u Iraku. Predsjedništvo BiH je 9.3.2004. usvojilo zaključak o upućivanju 36 pripadnika deminerske jedinice od 1.9.2004., kojim je obavjestilo predsjednika SAD-a o svojoj namjeri, te očekuje povratni odgovor koji još uvijek nije dostavljen. O pitanju upućivanja osoblja u Irak bavila se Interresorna grupa formirana odlukom Vijeća ministara BiH koja je sačinila i izvješće koje je dostavljeno i članovima Komisije, a o kome će raspravljati Vijeće ministara na svojoj narednoj sjednici.

Potom je istaknuo dva aspekta ovog pitanja. Prvi aspekt odnosi se na pitanje zakonskog temelja za odlučivanje. Po Zakonu o obrani BiH Predsjedništvo BiH ima nadležnost upućivati pripadnike vojske van teritorije BiH, dok Parlamentarna skupština BiH odbija taj korak kroz parlamentarnu proceduru. Pri tome je naglasio da nema zakonskog akta koji bi to pitanje detaljnije razradio. Stoga bi Vijeće ministara do 1.9.2004. trebalo sačiniti prijedlog zakona koji bi tu materiju u potpunosti obradilo.

Drugi aspekt ovog pitanja je politički aspekt. Ovo pitanje treba posmatrati u kontekstu odnosa prema SAD-a, kao i odnosu prema grupi država Arapske lige, što je vrlo osjetljivo pitanje. Dalje, upitno je i da li će u narednih šest mjeseci biti sprovedeni izbori i formirana demokratska vlast u Iraku, što je uvjet da se postojeći vojni kontingent zamjeni mirovnim trupama UN-a. Po njegovom mišljenju, ministar vanjskih poslova ima više informacija o situaciji u Iraku, te je predložio da mu se uputi poziv za narednu sjednicu ove komisije. Financiranje ove aktivnosti bi iznosilo oko 1.000.000 dolara, a ne eura, kako su njegovi prethodnici ranije naveli. U svezi sa djelatnostima koje trebaju biti poduzete u međuvremenu, naveo je da oficir za vezu, koji tek treba biti izabran i mora ispunjavati odgovarajuće uvjete, treba biti upućen u Komandu u Floridi. Ovo treba uslijediti po dobijanju odgovora iz SAD-a. Dalje, treba pronaći 60 kandidata, od kojih treba potom izabrati 36 osoba koje će biti upućene u Irak. Ove osobe nakon toga, moraju proći program provjere i osposobljavanja.

Nakon njegovog izlaganja članovi Komisije postavljali su određena pitanja, na koje je ministar odgovarao.

Branko Zrno izrazio je žaljenje što sjednici ne prisustvuje predstavnik Predsjedništva BiH, koje ima više informacija o ovom pitanju. Pri tome je upitao da li je moguće ovako značajnu odluku donositi na bilateralnoj razini i samo od strane Predsjedništva BiH, te da li je planirana rasprava o tom pitanju pred Parlamentarnom skupštinom BiH. Naglasio je da BiH ima interes priključenja u EU-u, o čemu se mora voditi računa.

Momčilo Novaković je također mišljenja, da je uloga Parlamentarne skupštine BiH minorna i svedena samo na informiranje ovog organa, što je pogrešno. Ovakve odluke o slanju trupa u mirovne misije mogu imati mnogo veće posljedice od onih koje se u prvi mah vide, te ne bi bilo dobro ostaviti u isključivoj nadležnosti Predsjedništvu BiH da ih donosi. Stoga će se on zalagati za jačanje uloge Parlamenta u ovim slučajevima, tako da bi donošenje ovakvih odluka bilo u nadležnosti Parlamenta.

Zoran Spasojević je suglasan sa mišljenjem prethodnika.

Adem Huskić, Mirko Blagojević, Seada Palavrić i Zoran Spasojević mišljenja su da se ovo pitanje mora što žurnije riješiti donošenjem zakona o upućivanju vojnika u mirovne misije van BiH, za što treba zadužiti Vijeće ministara BiH.

Šefik Džaferović mišljenja je da je postojećim zakonom Predsjedništvo BiH, kao civilni komandant oružanih snaga BiH, ovlašteno donijeti ovakvu odluku. Ukoliko to bude propisano zakonom, odluku će moći donijeti i Parlamentarna skupština BiH. Inače, učešće jedinice u Iraku izazvalo je mnoge dileme o kojima se na ovoj sjednici ne može dobiti odgovor zbog nenazočnosti predstavnika Predsjedništva BiH. Ipak je mišljenja da je Predsjedništvo bilo motivirano željom za boljom suradnjom sa SAD-om, koje su odigrale ključnu ulogu u procesu uspostave mira u BiH, te da će upućivanje deminerske jedinice koja je sastavljena na dobrovoljnoj osnovi, više doprinijeti ugledu ugledu BiH nego što će proizvesti štete.

Nikola Radovanović istaknuo je potom specifičnu ulogu Ministarstva obrane koje je između Predsjedništva BiH i Parlamentarne skupštine BiH. Naveo je članak 13.c. Zakona o obrani BiH kojim je percizirano da Predsjedništvo BiH donosi odluku o upućivanju vojnika van BiH konsenzusom. Uloga Parlamenta BiH regulirana je člankom 36. kojim je navedeno da je njena nadležnost u donošenju zakona i sl., te ovlasti za uporabu oružanih snaga, a člankom 38. je navedeno da ima vrhovnu vlast u zemlji. Stoga bi ovo pitanje trebalo na odgovarajući način riješiti. Pri tome je istaknuo da će on kao ministar uraditi svoj dio posla u realiziranju postojeće odluke Predsjedništva. Ponovo je naglasio da više informacija o ovom pitanju ima Predsjedništvo BiH i Ministarstvo vanjskih poslova.

Šefik Džaferović je potom istaknuo da u postojećoj situaciji Ministarstvo obrane BiH obavlja svoj posao na najbolji način. Kako na ovoj sjednici nema potpune informacije o ovom pitanju, obzirom da istoj nije nazočan predstavnik Predsjedništva BiH, to se ne bi trebali donositi zaključci. Ponovo je naglasio postojeću ulogu Zajedničke komisije, koja je radno tijelo Parlamenta i koja može samo predlagati, a ne i donositi odluke.

Zoran Spasojević suglasan je sa mišljenjem prethodnika da ova komisija može predlagati a ne donositi odluke. Kako na ovoj sjednici nije bilo kompletne informacije o ovom pitanju, to se ne mogu donositi ni zaključci.

Stoga su se članovi Komisije suglasili da se od Predsjedništva BiH zatraži kompletna informacija o ovom pitanju i tek tada donesu odgovarajući zaključci.

Ad.4. Informacija o projektu upošljavanja eksperta za rad u Zajedničkoj komisiji

Kristijan Haupt iz OSCE-a ukratko je informirao o pristiglim prijavama na natječaj za izbor eksperta koji bi pomagao rad Zajedničke komisije u naredne dvije godine. Istaknuo je da se na natječaj prijavilo 19 osoba, ali da svi ne ispunjavaju potrebne uvjete. Zatražio je stav Komisije o pitanju da li na intervju pozvati samo prvih 10 osoba ili sve prijavljene.

Kako su u Komisiju za izbor eksperta izabrani tajnici domova i on, predložio je da se eventualno u rad te komisije uključe još tri predstavnika Zajedničke komisije.

Većina članova Komisije nisu bila suglasna za ovakvo povećanje članova natječajne komisije.

Šefik Džaferović je predložio da se u rad postojeće komisije uključi i tajnik Zajedničke službe Vedran Hadžović, dok je Osman Brka inzistirao da se u rad Natječajne komisije uključe tri člana Zajedničke komisije.

Kako nije postojao jedinstven stav o ovom pitanju glasovalo se prvo o prijedlogu Šefika Džaferovića, koji je usvojen sa 9 glasova za, 1 glasom protiv i 1 uzdržanim glasom. Usvajanjem ove odluke glasovanje o prijedlogu Osmana Brke postalo je bezpredmetno.

Ad.5. Konačna redakcija teksta Zakona o obavještajno-sigurnosnoj agenciji BiH.

Dragica Hinić informirala je da je dostavljen tekst Zakona o obavještajno-sigurnosnoj agenciji BiH na konačnu redakciju ovoj komisiji, a suglasno zaključku Komisije sa prethodne sjednice i usvojenom Izvješću Zajedničke komisije od oba doma koji sadrži taj zaključak.

Potom je istaknula prijedloge tehničkih ispravki u određenim članovima zakona koji su članovi Komisije, uz još jednu predloženu ispravku od strane g-đe Palavrić, jednoglasno prihvatili kako slijedi.

U članku 6. stavak 1. iza riječi “podataka i” dodaje se riječ “ostvaruje”, a dalji tekst se gramatički uređuje sukladno sa ovom izmjenom.

U članku 18. stavak 3. riječ “Kolegij” zamjenjuje se riječju “kolegiji”, a dalji tekst se gramatički uređuje sukladno sa ovom izmjenom.

U članku 27. stavak 2. točka 16. riječi “Obavještajnom odboru kao i Obavještajno-sigurnosnom uredu, kao i Sigurnosno.savjetodavnoj službi” zamjenjuju se riječima “Izvršnom obavještajnom odboru i Obavještajno-sigurnosno savjetodavnoj službi”, a ostali dio teksta ostaje isti.

U članku 97. stavak 3. riječi “Obavještajnim savjetom” zamjenjuju se riječima “Sigurnosno-obavještajnom komisijom”.

Zapisnik sačinila:
Dragica Hinić

Privremeni predsjedatelj
Zajedničke komisije
Zoran Spasojević